

(1244) 1245, gener, 2

*Joan de Girona i Astruga fan procura a Berenguer d'Olot i Bernat de Puig per vendre una casa que tenen, situada prop de la seu de Girona, en domini de Sant Daniel.*

ASD núm. 138, perg. orig., 115 x 175 mm.

Sit notum cunctis quod nos Iohannes de Gerunda et Astruga uxor eius, simul et ex certa sciencia instituimus et facimus uos Berengarium de Oloto et Bernardum de Podia certos et speciales procuratores nostros super uendendis illis domibus nostris [quas habem]us intus in sede Gerunde, sub dominio domus Sancti Danielis, et eciam super obligandis omnibus bonis nostris pro euiccione dictarum domorum, [cedent]es uobis in hiis totum locum nostrum, uoces, rationes, iura et omnes acciones nostras reales et personales, ita quod predictas domos possitis uendere cum omnibus suis pertinenciis, saluo censu et iure in omnibus predicte domus Sancti Danielis et bona nostra pro euiccione illarum domorum obligare emptori uel emtoribus. Quamcumque uero uendicionem de dictis domibus feceritis et quamcumque obligacionem de bonis nostris pro euiccione feceritis, per bonum et firmum semper totum habere promittimus et semper illa uendicio et obligacio firma sit ac si a nobis personaliter esset facta, promittentes bona fide quod numquam per nos uel per aliquam interpositam personam contra illam uendicionem et obligationem ueniemus uel ueniri faciemus aut permittemus. Ad maiorem uero firmitatem renunciamus omni iuri, racioni, foro ac consuetudini contra hoc repugnantibus et ad cautelam iuro ego dicta Astruga super Dei Euangelia a me corporaliter tacta me omnia slipradicta atendere et complere et in aliquo non contrauenire ratione dotis uel sponsalicii aut alia ratione, et quantum ad hoc renuncio beneficio Uelleiani et doti et sponsalicio meo et iuri hypothecarum mearum sub ueritate prefati sacramenti.

Actum est hoc .III. nonas ianerii anno Christi Incarnacionis .MCCXLIIII.

Sig+num Iohannis de Gerunda, sig+num Astruge uxoris eius, qui hoc laudamus et firmamus. Sig+num Arnaldi de Areins. Sig+num Guilielmi Gaucerandi. Sig+num Raimundi capellarum barberum, testium.

Sig(s. man.)num Bernardi Leochadie, publici notarii Ualencie, qui hoc scripsit.

Extret de: Marquès, Josep M., ed. Col·lecció diplomàtica de Sant Daniel de Girona (924-1300). Barcelona: Fundació Noguera, 1997. 57-58